

Риёзус солиҳийн шарҳи / Риёзус солиҳийн шарҳи / 314-ҳадис

314 – وَعَنْهُ: أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ: «لَا يَمْنَعُ جَارٌ جَارَهُ أَنْ يَغْرَزَ حَشْبَةً فِي جِدَارِهِ»، ثُمَّ يَقُولُ أَبُو هُرَيْرَةَ: مَا لِي أَرَاكُمْ عَنْهَا مُعْرِضِينَ؟! وَاللَّهِ؛ لِأَرْمِينَ بَهَا بَيْنَ أَكْتَانِكُمْ. مُتَّفَقٌ عَلَيْهِ. [خ 2463، م 1069].

رُوي «حَشْبَةً» بِالْإِضَافَةِ وَالْجَمْعِ، وَرُوي: «حَشْبَةً» بِالتَّنْوِينِ عَلَى الْإِفْرَادِ، وَقَوْلُهُ: «مَا لِي أَرَاكُمْ عَنْهَا مُعْرِضِينَ» يَعْنِي: عَنْ هَذِهِ السُّنَّةِ.

314. Яна у кишидан ривоят қилинади:

Расулulloҳ соллalloҳу алайҳи васаллам:

«Қўшни ўз деворига қўшнисининг ёғоч суқишига тўсқинлик қилмайди», дедилар».

Сўнгра Абу Ҳурайра розияллоҳу анҳу: «Не бўлдики, бундан юз ўгирганингизни кўряпман? Аллоҳга қасамки, мен бу (сўз) билан куракларингиз ўртасига тушираман», деди».

Муттафақун алайҳ.

Шарҳ: Араб тилида «икки куракнинг ўртасига тушириш» деган ибора «уйқусираётган, ғафлат олган одамни ҳушёр тортириш» деган маънони англатади. Бу вожиб маъносида эмас, тарғиб мақсадида айтилган ҳукм бўлиб, бунинг шарти қўшнининг ўта муҳтож бўлиши, девор эгасининг эса бундан зарар кўрмаслигидир.

Қўшнининг қўшнида ҳақи борлигидан унинг деворига ёғочини ўрнатишидан ман қила олмас экан. Бу маънони ўша пайтда ҳам баъзи кишилар унута

бошлаганидан улуғ саҳобий Абу Ҳурайра розияллоҳу анҳу қасам ичиб таъкидлаган эканлар.

Ушбу ҳадиси шарифда зикр қилинган нарсага амал қилишга ҳарис бўлишимиз керак. Ҳеч қачон ўз қўшиниларимиз ҳақларини поймол қилмаслигимиз лозим.

Манба: hadis.islom.uz



HADIS.ISLOM.UZ
NUBUVVAT MARVARIDLARI